



19. október 2023

Ný samstæða verður til Uppgjör þriðja ársfjórðungs 2023

Helstu lykiltölur 3F	2023	2022	Helstu lykiltölur 9M	2023	2022
Hagnaður	607 m.kr.	-70 m.kr.	Hagnaður	1.680 m.kr.	479 m.kr.
Afkoma af váttryggingasamningum	368 m.kr.	307 m.kr.	Afkoma af váttryggingasamningum	-102 m.kr.	771 m.kr.
Afkoma af fjárfestingum	698 m.kr.	180 m.kr.	Afkoma af fjárfestingum	3.015 m.kr.	681 m.kr.
Samsett hlutfall	94,7%	95,2%	Samsett hlutfall	100,5%	95,8%
Ávöxtun fjáreigna	1,7%	0,8%	Ávöxtun fjáreigna	7,6%	2,6%
Arðsemi eigin fjár	3,5%	-0,4%	Arðsemi eigin fjár	9,8%	2,6%

Guðný Helga Herbertsdóttir, forstjóri VÍS:

„Þau tíðindi urðu í upphafi októbermánaðar að sameining VÍS og Fossa var frágengin. Þetta verður því í síðasta sinn sem VÍS birtir uppgjör í núverandi mynd en næst mun uppgjórið taka til samstæðu með Fossum. Ný samstæða VÍS, Fossa og SIV hyggur á frekari vöxt á íslenskum fjármálamarkaði með áherslu á framúrskarandi þjónustu og arðsemi á sviði trygginga, fjárfestingabankastarfsemi og eignastýringar. Unnið er að samþættingu þessara félaga sem miðar að því að efla þau í sókn. Sú vinna gengur vel og mun hluti af starfsemi Fossa t.a.m. flytjast í höfuðstöðvar VÍS í Ármúla á næstu vikum. Við bjóðum starfsfólk Fossa hjartanlega velkomið og hlökkum til að sameinast undir einu þaki.

Viðunandi niðurstaða tryggingareksturs í krefjandi umhverfi

Þriðji ársfjórðungur einkenndist af sveiflum líkt og við þekkjum vel í tryggingarekstri. Þegar umsvif í samfélaginu eru mikil eru tjónin alla jafna fleiri. Tryggingarekstur hefur almennt verið að þyngjast á árinu, sér í lagi í frjálsum ökutækjategyggingum og eignatryggingum. Þrátt fyrir þrjú stór tjón, tvö bruna- og eitt umferðarslys, á fjórðungnum var tjónahlutfall að teknu tilliti til endurtrygginga 76% og samsett hlutfall 94,7%. Heilt yfir er það vel viðunandi niðurstaða í krefjandi umhverfi. Afkoma af váttryggingum var 368 m.kr. Samsett hlutfall frá áramótum er 100,5% og er enn gert ráð fyrir að árið endi á bilinu 98-100%.

Hagnaður fjórðungsins eftir skatta nemur 607 m.kr. Hagnaður fyrstu 9 mánuði ársins 1.680 m.kr. og arðsemi eigin fjár 13,1% á ársgrundvelli.

Ákall um samstöðu vegna brunatjóna

Sú þróun sem á sér stað í samfélaginu að húseigendur eru að nýta atvinnuhúsnæði sem íbúðarhúsnæði, án þess jafnvel að uppfæra brunavarnir né að fá leyfi fyrir breyttri notkun húsnæðisins, veldur mér áhyggjum. Nokkur alvarleg brunatjón hafa orðið á árinu þar sem þetta hefur því miður verið raunin. Það gefur augaleið að með þessu er verið að setja fólk í hættu með ófullnægjandi brunavörnum eða útgönguleiðum. Ég kalla eftir víðtækri samstöðu í samfélaginu um að sýna ábyrgð í verki. Bera þarf virðingu fyrir einstaklingum í viðkvæmri stöðu og tryggja betur öryggi þeirra.

Ný tækifæri í krosssölu með nýrri netverslun

Eins og farið hefur verið yfir gerði félagið miklar breytingar á sölustarfi sínu fyrir um ári. Við erum að sjá stigvaxandi aukningu í iðgjöldum sem er í takti við áætlanir okkar. Vöxtur í iðgjöldum líf- og sjúkdómatrygginga er sá mesti frá árinu 2009. Ný stafræn lausn hefur verið í vinnslu síðustu mánuði sem auðveldar til muna alla tilboðsgerð og er starfsfólk



byrjað að prófa þá lausn með góðum árangri. Gert er ráð fyrir að viðskiptavinir muni svo með einföldum hætti geta keypt allar helstu tryggingar á vis.is og í appinu í nóvember. Þessi lausn gefur okkur einnig aukin tækifæri til að tryggja með einföldum og sjálfvirkum hætti að viðskiptavinir okkar séu sannarlega með viðeigandi og rétta vernd.

Virk stýring eignasafns skilar góðri ávöxtun

Árangur var góður í fjárfestingum á fjórðungnum í krefjandi umhverfi en slíkt hið sama má segja um fyrstu 9 mánuði ársins. Varfærnar áherslur í eignasafni félagsins hafa reynst vel í því umhverfi sem nú ríkir, en einblínt hefur verið á stuttan meðaltíma skuldabréfa og minna vægi hlutabréfa. Skráð hlutabréfasafn félagsins hefur þó gengið vel á árinu en skráð hlutabréf hafa hækkað um 1% samanborið við um 15% lækkun á vísitölu hlutabréfa. Fjárfestingartekjur fjórðungsins nema 777 milljónum eða því sem nemur 1,7% nafnávöxtun en frá áramótum eru fjárfestingartekjur 3.254 m.kr. og nafnávöxtun 7,6%.

Haraldur Þórðarson, forstjóri samstæðu VÍS:

„Það voru ánægjuleg tímamót í sögu beggja félaga þegar sameining VÍS og Fossa var endanlega frágengin í byrjun mánaðar. Vinna við samþættingu félaganna er í fullum gangi og jafnframt er unnið að koma skipulagi samstæðu í sitt framtíðarhorf í takti við það sem var kynnt á hluthafafundi í júní síðastliðnum.

100 milljarðar í eignastýringu hjá nýrri samstæðu

Það gleður mig að segja frá nýjum sjóði hjá SIV eignastýringu, sem ber nafnið SIV Credit Fund. Heildaráskriftarloforð sjóðsins eru yfir 10 ma.kr. og eru eigendur sjóðsins margir af stærstu lífeyrissjóðum landsins en þess má geta að VÍS fjárfestir fyrir 500 m.kr. í sjóðnum. SIV eignastýring stofnaði fjóra aðra sjóði á fjórðungnum, SIV Lausafé, SIV Skuldabréf, SIV Hlutabréf og SIV Fixed Income en sá síðastnefndi er eingöngu ætlaður fagfjárfestum. Opnir sjóðir félagsins eru rafrænt skráðir og hægt að eiga viðskipti með þá hjá Fossum, Íslandsbanka og Kviku banka. Nánari upplýsingar má nálgast á [www.siveignastýring.is](#).

Eignir í stýringu samstæðu nema nú um 100 ma.kr., þar af 60 ma.kr. hjá SIV eignastýringu og 40 ma.kr. hjá Fossum. Unnið er að samþættingu Glyms og SIV eignastýringar en stefnt er að því að rekstur félaganna sameinist undir nafni þess síðarnefnda.“

Kynningarfundur

Kynningarfundur vegna uppgjörsins verður haldinn föstudaginn 20. október, klukkan 8:30 í húsnæði félagsins, Ármúla 3. Guðný Helga Herbertsdóttir, forstjóri, mun kynna uppgjörið og Haraldur Þórðarson, forstjóri samstæðu, fer yfir samþættingu félaganna. Hægt verður að fylgjast með fundinum í beinu streymi og nálgast má upptöku af honum á fjárfestasíðu félagsins. Þar verður einnig hægt að nálgast kynningarefni fundarins.

Fjárhagsdagatal

Ársuppgjör 2023 || 28. febrúar 2024
Aðalfundur 2024 || 21. mars 2024

Nánari upplýsingar

Nánari upplýsingar veitir Erla Tryggvadóttir, samskiptastjóri, í síma 660-5260 eða með netfanginu fjarfestatengsl@vis.is



Rekstrarreikningur

	3F 2023	3F 2022	Br.	Br. %	9M 2023	9M 2022	Br.	Br. %
Tekjur af váttryggingasamningum	6.952	6.393	559	9%	19.631	18.208	1.423	8%
Kostnaður af váttryggingasamningum	-6.345	-5.986	-358	6%	-19.143	-17.078	-2.065	12%
- Tjón tímabilsins	-5.048	-4.766	-282	6%	-14.864	-13.100	-1.764	13%
- Rekstrarkostnaður váttryggingasamninga	-1.297	-1.221	-76	6%	-4.278	-3.978	-301	8%
Afkoma af endurtryggingasamningum	-239	-100	-139	140%	-590	-359	-231	64%
Afkoma af váttryggingasamningum	368	307	62	20%	-102	771	-873	-113%
Aðrar fjárfestingartekjur	183	131	52	40%	448	294	154	53%
Gangvirðisbreyting fjárfestingareigna	594	111	483	436%	2.806	584	2.222	380%
Rekstrarkostnaður fjárfestinga	-78	-61	-17	28%	-239	-197	-42	21%
Afkoma fjárfestinga	698	180	518	288%	3.015	681	2.335	343%
Fjármagnsliðir váttrygginga	-216	-396	180	-46%	-669	-556	-112	20%
Afkoma fjárfestinga eftir fjármagnsliði	483	-216	699	-324%	2.347	124	2.222	-
Afkoma af váttryggingasamningum og fjárfestingum	851	91	760	835%	2.245	895	1.350	151%
Aðrar tekjur	36	8	28	339%	78	34	44	131%
Annar kostnaður	-79	-9	-70	776%	-204	-39	-165	428%
Aðrir fjármagnsliðir	-95	-142	47	-33%	-372	-396	24	-6%
Hagnaður fyrir skatta	712	-52	764	-	1.748	495	1.253	253%
Tekjuskattur	-105	-18	-87	493%	-68	-16	-52	335%
Hagnaður tímabilsins	607	-70	677	-972%	1.680	479	1.200	251%
Tjónahlutfall að teknu tilliti til endurtr.	76,0%	76,1%			78,7%	73,9%		
Kostnaðarhlutfall váttryggingasamninga	18,7%	19,1%			21,8%	21,8%		
Samsett hlutfall	94,7%	95,2%			100,5%	95,8%		
Ávöxtun fjáreigna	1,7%	0,8%			7,6%	2,6%		
Arðsemi eigin fjár	3,5%	-0,4%			9,8%	2,6%		
Hagnaður á hlut	0,35	-0,04			0,98	0,27		



Efnahagsreikningur

Eignir	30.09.2023	31.12.2022
Rekstrarfjármunir	273	346
Viðskiptavild og aðrar óefnislegar eignir	1.316	1.415
Húsaleiguréttindi	536	616
Skatteign	14	0
Fjárfestingareignir	43.376	41.854
Fjárfestingar með fjárfestingaráhættu líftryggingataka	989	1.154
Endurtryggingaeignir	1.177	1.138
Aðrar kröfur	1.800	1.250
Handbært fé	2.182	2.381
Eignir samtals	51.662	50.154
Eigið fé		
Hlutfé	1.696	1.716
Lögbundinn varasjóður	626	626
Bundið eigið fé	3.179	6.672
Óráðstafað eigið fé	12.180	8.266
Eigið fé hluthafa móðurfélags	17.681	17.279
Hlutdeild minnihluta	38	46
Eigið fé samtals	17.719	17.325
Skuldir		
Víkjandi skuldabréf	3.491	3.320
Tekjuskattskuldbinding	116	116
Húsaleiguskuldbinding	584	664
Skuldbinding vegna eftirstæðrar váttryggingaverndar	2.651	2.207
Skuldbinding vegna orðinna tjóna	23.914	22.881
Líftryggingaskuld með fjárfestingaráhættu líftryggingataka	989	1.154
Viðskiptaskuldir og aðrar skuldir	2.198	2.487
Skuldir samtals	33.944	32.830
Eigið fé og skuldir samtals	51.662	50.154